

BONAE S P E I P V E  
ris Adamo & Ioanni fratribus  
D. Ioannis Vbrman Senatoris &  
supremi Camerarij Vien-  
nensis &c. filijs  
S. P. D.

**C**Vm forte nuper inciderem  
in oratiunculam de studijs,  
eorumq; fine, & modo stu-  
dendi olim à me ingenij excendē  
gratia conscriptam, eamq; relege-  
rem semel atq; iterum: cogitabam  
mecum, non me arroganter factu-  
rum, si hoc meum iudicium de  
studijs informandis publicarem.  
Quanq; me dehortaretur, & ferè  
deterruisset quorundā maleuolen-  
tia, non me sine arrogantiæ suspi-  
cione hoc facturum esse, rursus  
tamen consolabatur & erigebat,  
qd; viderim, plerosq; doctissimos  
eiusmodi precepta ad vsum & ca-  
ptum pueritiæ acōmodasse. Cogi-  
tantij

canti autem mihi de patrono ora-  
tiunculæ, cuius sub nomine ædere-  
tur, varias in partes animus distra-  
hebatur in tanta ingeniorum diuer-  
sitate, occurrebat tandem, et in men-  
tem incidebat patris vestri authori-  
tas & officium, quod putabam eum  
singulari quadam promptitudine  
literas amplecti, & cum censeat  
nullum habere Rempub. maius or-  
namentum, quam viros eruditione  
præclaros, iniuste facere eum, nisi  
faciat id, quod dignitas ipsius po-  
stulat. Qui enim in max mis R eip.  
muneribus versantur, curam & de-  
fensionem studiorum ad ipsos per-  
tinere statuant: ac certe tyrannis  
maior esse atq; exerceri crudelior  
non potest, quam si contemnantur  
viri docti, aut eos è ciuitatibus tol-  
lendos ac reiiciendos esse consula-  
tur.

Non mea vox hæc loquitur,  
nec mea sunt verba, consensus est  
vniuer-

vniversalis quorumlibet bonorum,  
omnium politiarum status hoc testa-  
tur. Ideo etiam præ cæteris titu-  
lis maioribus, authoritate & priui-  
legijs ornantur doctrina exculti, à  
Cæsaribus & Principibus, quod  
sciunt, eorum bona non in diuinijs,  
non pompa terrestri, non fastu, nō  
animi elatione, sed in ingenio sita  
esse: multo labore, sudore & vigi-  
lijs doctrinam comparari, cuius  
v̄sus tandem ad Reip. salutem &  
conseruationem peruenit. Cum  
igitur iudicarem, patrem vestrum  
hæc sedulo animo reuoluere, vosq;  
multa doctrina, bonarum literarum  
perfecta cognitione imbui deside-  
ret, hanc vobis oratiunculam dedi-  
candam statui, non quod ad vos  
pertineat, qui exemplo patris &  
præceptoris vestri viri docti au-  
thoritate moniti, vim & dignita-  
tem literarum, vsum & necessita-  
tem sive dubio intelligitis, meaq;

H infor-

informatione vix indigetis : si ta-  
men addetis lectionem huius, ex-  
peremini , vos neq; operam ina-  
nem locasse, neq; rem vobis indi-  
gnam esse oblatam. Vos rogo, qua  
decet omni diligentia et sedulitate  
studijs inuigiletis : moueat multo-  
rum Doctissimorum interitus de-  
plorandus , qui semina doctrinæ  
& virtutum tradidere, ac ferè per  
tota Germaniā sparserunt. Quod  
enim studium maius Reip: exhib-  
eri potest, quam si de pueritia  
quis bene mereatur ? Ideo vistra  
Schola ciuilis multum debet Geor-  
gio Muslero, tota deniq; Respub.  
Viennensis, cuius proles suæ disci-  
plinæ longo tempore fuit cōmissa,  
neq; pauci existunt, qui studium i-  
psiis & voluntatem grato animo  
agnoscunt ac celebrant. Ego  
sine omni adulazione hoc libere fa-  
teor, à qua tota mēte abhorre qui  
libet debet. Intellexit enim, quantū  
intersit

intersit Reipub: pueritia vt à cu-  
nabulis bene informetur. Qua-  
re & vos priuatis ac publicis ex-  
emplis moueamini solidam erudi-  
tionem comparare, vt tandem pa-  
trię ornamento et decori esse pos-  
sit, meamq; erga vos honestam vo-  
luntatem humaniter suscipite, fa-  
ciatisq;, vt hoc munusculum vobis  
gratum fuisse sentiam, valete.

Datum Viennæ 1. Maij.

Anno M. D. LX.

M. Nathanael Basman-  
nus Profess: Ordinarius.

## ORATIO DE STV- diorum laude, fine, & mo- do studendi.

**H**abiturus orationē de scien-  
tiarū laudibus modo, & fine,  
cogitabam, nihil me tam ho-  
norificum,